

修志人員表

民國二十年七月

職別	姓名	別號	年歲	籍貫	資格
纂修	李大木	培元	五十	樂亭	天津北洋大學畢業
纂修	李曉冷	瀑泉	五十二	高陽	清附生天津北洋大學畢業
纂修	蘇震	翊東	六十一	高陽	光緒甲午舉人保定高等警察畢業
纂修	王兆臨	肖莊	六十二	高陽	光緒甲午舉人保定北關師範畢業
纂修	王璞真	實甫	六十	高陽	清廩貢生天津北洋師範專修科畢業
纂修	韓念真	念真	三十六	高陽	黑龍江警官傳習所畢業
收掌	韓振之	玉亭	三十六	高陽	本縣農業學校畢業
採訪	李敬三	敬三	二十五	高陽	河北省立民衆教育人員養成所畢業
採訪	李名園	東橋	三十六	高陽	北京大學畢業
採訪	張玉田		二十三	高陽	本縣高級小學畢業

採訪 李樹德 三十八 高陽 本縣高級小學畢業

採訪 張新型 鑑古 二十六 高陽 本縣初級中學畢業

書記 李葆貞 葆貞 二十六 清苑 保定育德中學畢業

書記 李長亮 廣熙 二十三 高陽 本縣高級小學畢業

書記 魏葆芬 蔭芳 二十二 高陽 本縣農業學校畢業

高陽縣志凡例

時事日新今昔異勢舊志體例自宜變通此次省令徵集志料原定門類計大綱十六卽依此例分類編輯以期省縣一致省定門類與舊志凡例有名稱雖異而實同者悉依省定舊志原載爲省定門類所無者或於沿革有關或多名人題詠別爲一編名曰舊志摘存以資參考

省定外僑一門雖爲本縣所無仍列爲一綱以備將來

河流交通各圖最爲重要舊志闕焉今並繪寫增入其縣署廟學等圖則從略

古蹟禮俗及農工狀況等分別附插影片藉覘實況

舊志星野之說與科學理解相背建置門昔有今廢亦無沿革關係者均弗錄

歷代人物或載之列傳或見諸祠祀事蹟足垂永久其陵墓一項難入名勝者概從畧

社會更新首宜破除迷信舊志寺觀禩祥概未錄入祠祀類之協人心公義者書之如舊

舊志坊表半歸圯廢擇其尙存可歸古蹟者錄之

舊志兵制門其範圍不僅高陽一縣與雜志門兵屯兵馬兵實等均弗錄

歷代在縣職官凡政績彰著者俱傳載之無傳者不復列

舊志侯王世家易名封爵與戚畹並附人物門氏望專考姓族源流有類家乘茲編弗錄

集文遺文仍如舊志增入新篇

舊志兵事入史事門仙釋入方外門翰墨入藝術門佚事入軼

聞門

高易系法卷一凡例

二

一

舊序

邑有志猶國有史也其間之川原田賦職官選舉人物藝林忠孝節義建置祥異風氣好尚例得備載俾採風問俗者按籍而攷利害之興除政教之張弛燦若列眉瞭如指掌庶幾式訓式行於以臨民敷政以仰承聖天子一道同風之治則志之爲書不誠重矣哉余自己酉秋奉命承乏斯邑首先問邑志乃係前少師孫文正公所修至本朝康熙八年有進士韓篤臣偕文學孫紫淵復加纂輯經官保李文勤公所總裁而鑒定者迄今歲且周甲所謂職官選舉建置祥異忠義節孝人物等類炳炳燁燁所當執簡而記者尙缺焉未補今奉上諭令郡州邑志再加輯訂余承檄祇遵思高陽乃古帝封邱八才舊里明允篤誠苞孕道脉由來久矣人文之盛爲保郡之冠則徵文考獻又何俟借才於他邑乎因廉訪得李

文勤公子兵部選司副郎顧齋公解組閒居稽古博通品望素著
遂造廬而托重焉時方閉門謝軌固辭弗許強而後可余用分薄
俸諏日啓館集邑諸生之積學勵行者若而人分任叅校採訪諸
事以邱王兩廣文先生佐之而王先生贊勳之力爲尤多未半載
而裒然成帙披覽之餘簡而不遺文而不縛典而不譌公而不刻
厚而無私紹衣之業直與文勤公後先輝映余不禁踴躍藉手以
告厥成功焉此蓋顧齋公之家學淵源留心典籍向有手編藏笥
是以出其舊輯稽考精詳校定無訛刪繁就簡斟酌盡善又得士
大夫捐橐囊工增補續刊剋期告竣頓成巨觀今我皇上撫御區
夏銳意圖治大化翔洽湛恩汪濊減賦蠲租之詔旁求俊乂之文
無歲不下廣搜博採盈廷師濟吏治蒸蒸可謂極郅隆之盛矣矧
斯邑東接瀛海西望恒山南通齊魯北拱神京爲畿輔首善之地

尤爲採風問俗者所必及而臨民敷政之際余敢不一秉虛公竭
其駑鈍以仰答朝廷簡任之隆恩承宣上官表率之盛意也乎則
斯志之搜輯舊聞昭示來茲所藉乎編摩之功者豈曰小補之哉
是爲序

雍正八年上章闡茂之歲且月天貺節文林郎知高陽縣事紀錄
二次秀江嚴宗嘉孚亭氏撰

舊序

今上建元之七年府修事和率土同風乃下詔館閣撰修大清一統志下逮郡邑甚盛典也先是戊申夏余叨特旨授完令黽勉夙夜勤不足補拙一切毫素丹黃黻黼太平之事徒有志未逮竊自愧文獻之家聲久矣越明年己酉檄予署高陽事會修志之命至余職不得辭乃取舊志讀之凡十有四卷自明孫相國創始歷兵燹後書缺有間矣邑宮師李文勤公復手訂之觀成於康熙己酉體大而思精踵事者慮難爲繼而公令嗣武選先生實茲邑典型也予因造廬請焉甫兩月而新尹嚴孚亭至又明年庚戌武選佐孚亭竣厥事徵予言爲序時予謬副薦剡入覲京師武選又走書敦前請顧予何敢以虛辭自文然而此役之終始與武選之所以成此役者予則不敢隱也嘗思邑之有志固國史之支裔而家乘

之大宗也柱下之藏盛矣大之郊社禘嘗典謨誓命訓誥皆於是
徵焉次之采風貢詩述職拜版事雖逮於六卿而太史氏珥筆隨
之紀載之文可考而知也周禮小史掌邦國之志以奠世系辨昭
穆龍門創爲史裁以世家予諸侯而列傳之例父子族屬得次及
隋唐之間重族望故譜學最盛纂史者亦資之自是以來歐蘇外
寥寥無聞凡故家大族流風軼行節義文章湮滅者不可勝道而
一二細民至問其高曾名諱不能答何論其餘於是放言橫議者
得逞其瑰異之詞汗漫之說窮搜幽隱以傳疑於來世後之人亦
孰從而質之嗚呼此紀述之所以難而老成人之所關非細故也
武選平生視國事如家事以文史爲世業讀所爲新志迄於今止
上溯之周一甲子其義例準諸國史而舉要刪繁會文切理旣詳
且慎悉本之家學誠可謂善繼述者矣維時有諸生韓子本初李

子蘊奇李子惕難孫子仁蒼皆潛修篤行竊此澹臺之風者萃力
草創不蔓不支武選又討論而修飾之孚亭復潤色成書因憶甲
辰冬族人議訂譜乘予供奔走司采輯不能自成一家言如武選
之踵武前人承乏完邑已歷三載又無尺寸功及民可附入於宦
紀遑論高陽五日京兆哉用還報武選曰惠予多矣請以此志予
愧時

雍正八年歲次庚戌七月既望八日賜進士出身直隸完縣知縣
紀錄三次前署高陽縣事新安呂守曾題於燕臺行署

舊序


同里韓進士蓋光孫文學之藻寓書於余曰邑志修於少師凱陽公迄今四十餘年矣兵燹以後雖版籍幸存而脫軼闕帙匪完璧且近事弗備傳疑滋舛將父老子弟靡所觀感爲操觚家詬病邑侯廖公政成化治息事寧人顧以興舉廢墜爲亟慨然念斯以語光等田是偕邑人士蒐羅遺事自勝國之季迄於本朝徵文考獻厥蹟畧備然以行遠弗文是懼惟吾子潤色之前志具在亦惟是正焉余唯唯謝不敏乃取前志讀之則義例燦然倫脊無爽訂魯魚補漶滅而已復取諸君所輯事實黜纖存鉅芟繁歸要字櫛而句比之時悉前志所未載而條貫一循其舊焉再閱月而書成俾歸續之梓因題其端曰志者史之歧派也而源本於經建置遷革因乎時明時者易興釐修揀需乎政紀政者書貞淫美惡辨乎

風采風者詩進退褒貶衷乎義取義者春秋治定功成上佐黻黼
文章之觀則禮樂之用具焉故曰史而本乎經也高陽自顓皇建
號四千年來降而爲郡國爲軍州爲關隘今且爲畿甸葭爾邑則
盛衰興廢時爲之也歲數不易降割自天大兵革大裁褻大饑饉
邑無不被而民無大轉徙者有政以維之也鍾嶸峒戴斗之氣襲
燕趙悲歌之餘民質直而士慨慷其風足紀也先正鉅公異才間
出毅烈之夫貞淑之媛百里而比肩義不可泯也運鼎新垂三十
年休養生息恩被畿縣獨厚痕瘡滌除文物蔚起則以毫素丹鉛
之業粉飾太平誰曰不可哉雖然不能無感焉茲志所續四十年
間事耳有昔創而今因者有昔無而今有者有昔以爲當然今詔
爲稀邁者有昔或偶見今視爲固然者運會因貞而起元風氣由
剝而之復升降隆污犁然眉列覽者深思而得其故亦考鏡得失

之林也詩曰維桑與梓必恭敬止余不敏敢竊附於斯義云是役也發端勵衆者廖侯蒼萃任勞兼董劄劄者韓孫二子而余則錄錄因人者也戊申十月草創己酉夏月刊成仍原帙十四卷補闕者若干板訂訛者若干字續輯者若干篇

康熙己酉律中蕤賓吉日

光祿大夫太子太保工部尙書內宏文院大學士加二級邑人李
燾題於京邸之心遠堂



舊序

予家自相州來占籍一再世輒稱殷厚先曾大父柱國僉踐更之徭種種一司租即代逋者輸累數百金先大父柱國更備諸苦累嘗供司訓遭他故費可千餘金至往旋河洛間數千里先柱國少博學強記遂廢業以當戶嘉靖癸丑歲大饑族里流徙其不徙者方仰給先柱國更以殷厚僉直年而又代族人爲直家半落踰歲更以舖戶直堂費家盡落直年者直是年經過諸貴人供帳費其以舖戶直堂則專供邑令公心紅筆札及一切雜幣水陸之錯當直年不必身自爲應而家常募十餘便捷人待事至直單催單司庖司噐索如例而後所供帳稱善蓋貴人費什而凌雜費什九其所奏用數不敢登二三而嘗刪其半其所需不敢問值必備其所不需即備而爲人所持去或敗壞必不敢稱備蓋是時法令未即

畫一而當事得以意令其所蕩析民產不獨余家而家先柱國爲甚洎先職方兄與余後先舉於鄉先柱國曰爲廉訓而證以所經見諸先令公善敗嘗曰邑令公墨何以去邑人墨何以來孺子其鑑諸蓋痛心於不造而每於邑里所不便輒令講求其法予因得稍輯後先行事而合以所經見可興可除就里中更老講說其便每遭諸廉吏能吏輒訪其所爲時或跨欵段歷鄉社一邱一壑一石一木罔不低回錄列當弱冠閱廿一史則手錄邑里事爲帙雅好閱名州邑乘載及唐宋金元諸南北人私集得邑里舊人舊事如遇故人於途而刺刺道故也時期以仰副先柱國明訓曰他日治一隅庶其以痛爲療已乃披釋藏得名僧八而道簡披其半解薛登朝亦復於羣書有摺黠稍稍爲秩而未敢出甲子春兒鈔偶攜入署予從金戈匆空中芟訂攜之歸而唐令公遂授之梓因念

邑爲八才舊里其明允篤誠實開儒宗予何敢薄望邑里而不以才勗邑延袤不百里吏土者務廣衆則不來即來不久輒棄去故法無常而邑爲罷劇不可起其俗亦緣以壞蓋嗇漸爲侈樸漸爲囂田若墾而賦或逋戶若增而口或寡詬租之吏澹災之使嘗交錯於邑而邑病然侈不當他嗇而邑已爲侈囂不當他樸而邑已爲囂至吏饒伺上意時中公庾時中私橐故交相爲瘡而邑更病吏土者如牘中所稱諸令公往往嚴之法以挽其所可見裁之禮以挽其所不可見而病乃可療武陵唐令公視予邑廉公有威悉力拊循而意在爬梳舊蠱康我良弱故爲清吏蝥捕逋盜戢裘羣諸徭賦種種覲若畫一而力能使河伯安流無羨賦遂無逋賦無曠人遂無逋人蓋禔身冰玉中不藉於邑故邑即彈丸而肯安於邑以終惠吾罷劇予所私愧不能以數十年錄記治一隅以仰副

先柱國明訓而令公約邑於才既嚴之法載裁之禮猶若不忘披
此牘也予願後之治予邑者無忘令公意迺無忘吾人而此牘直
甌覆耳天啓四年歲在甲子仲秋望日賜進士及第光祿大夫柱
國少傅兼太子太師兵部尙書兼文淵閣大學士知經筵日講制
誥總裁國史督理軍務邑人孫承宗題於一片石孤松亭左肱下

舊序

夫地以人重人以地重兩相爲重所從來矣自頃少傅孫公秉均平章折衝牙纛寓內識不識稱半千名世無不爲高陽首指屈之而在少傅公所著高陽志若干卷授梓於邑令唐侯廣其傳春因得受而卒業竊嘆公以燕許名家自弱冠閱史迄於木天燃藜注意邑里故實輒手錄成帙已而以上公書殿之榮兼元老壯猷之任望侔旦爽世係安危尙肯於一片石珠玑玉版邊爲桑閉不朽了子墨客卿險巖生活難其先後體裁大小意義探頤補漏提要鈎元彙爲志十四括爲方域至佚事一一條分縷析無不采百氏之籍成一家之言因而想見投壺雅歌綸巾羽扇氣象區區磨墨盾鼻草檄愈頭曷足以云難公自登第天性善善包荒不遺即所著職官旁及人物一一咀英前代茹華本朝每隻字陽秋生色水

鏡卽俗吏如春承乏庖俎垂二十年於茲亦獲以斗筲伎倆備寵收玷夾袋凡此誌難難在他人公獨易自是高陽八才向以明允篤誠苞孕道脉之墟得公益光而猶不棄葑菲屬春爲之叙叙曰稽古顓頊疏茅幽薊犄角瀛海股肱北平是志輿地彈丸一同閱幾因革定中作室經始落成是志建置往昔周宋竭蹶防邊今依日月日不知兵然而戊巳庚戌以來劉齊潢弄猶幸唐宋來范陽府衛兵強壯弓箭社可作榜樣是志兵政地瘠民貧諸凡常平社倉旱澇有備自是踐更藉手石壕息譁是志食貨兵食足矣自古無法不治有法無人不治矧夫祥鸞胖羊富教互異其他展采競爽刃解是志職官名宦名宦得人士類于喁俗革飲羊氣吐變豹次第以及子侯戚畹或勳崇延賞或名高伏蒲是志選舉人物侯籍氏望獻徵景鑠國典攸關矧夫鉅公名流毫揮珠玉華辭斷簡

逸在山澤是志藝文春秋觀象洪範占應堯水湯旱資以貶傲惕
衷是志機祥齊諧語恠名理不廢矧口口空空靈威冥夜裨官叢
談錯采碎金是志仙釋寺觀翰墨邱墓佚事邑志向在蕪廢前創
於公自古迄今聞人不乏未有將相並擅者將相並擅僅見於公
試屈指軍興謀隱帷幄功垂社稷不日燕喜受祉可跂見焉而總
合爲邑乘之盛生輝元凱千載詎偶然哉爰綴末簡質之唐侯以
進於而公且自信不阿天啓四年歲在甲子孟冬穀旦賜同進士
出身亞中大夫光祿寺卿前知高陽縣事蘭陵錢春撰

高陽縣志跋

邑之有賴於志也由來久矣天時因志可以稽地利因志可以考政教因志可以彰文物因志可以傳以及人事之足益聞見備記載者俱宜鉅細畢陳敬候採擇上附信史以昭同文之盛顧自明天啓以前志弗可考豈傳之者無其人耶抑傳之者有其人必因時增修而乃克永其傳也邑志之典故始於前少師文正孫公纂輯成編天啓四年邑侯唐公加意民社志切表揚因即少師公所輯原編潤色盡善付梓以傳人皆感少師公之用心克敦古道而頌唐公之爲功遠且大也本朝定鼎萬化維新普天率土民安物阜康熙八年己酉邑侯廖公政事之暇念邑乘久闕修輯宜先允韓孫兩先生所請商於先公機務勞心輯訂之功未及全編當事者任其勞新事多所增叙於原編則亦仍其舊而已迄今雍正八

年庚戌歲己周甲自康熙八年之後雍正元年以來盛典宏恩遠
過千古聖志德化史不勝書志俟徵文考獻乃足信今傳後非其
時非其人未易言也時值景運昇平宇內清晏皇上治愈思治安
益思安俯念志書與史書相表裏上諭訓飭諄詳臣心奉公豈敢
濫略但歷年既久考據爲難後學寡聞遺誤是懼前署縣事完邑
呂公奉文修志雅意採訪遴選未定事不果行邑侯嚴公詩禮名
家躬膺簡用歷任繁劇卓績足稱蒞任敝邑潔己愛民勤勞公事
端和敬慎士民悅服聞志奉檄修即捐俸舉行與儒學邱王兩先
生約集邑人在明倫堂再四商確具文報明擇人分任二月初二
日適館授餐命意以文貴簡潔無取冗長事宜直書無須論斷較
訂採錄皆仰奉鴻裁然後登載於名宦人物孝子節婦尤兢兢致
慎焉儒學王先生急公好義經理勞心久而弗懈樂觀厥成同里

復梓誼共敦解囊襄事旋生也晚幼而孤弗獲仰承庭訓君恩高厚未報涓埃老病歸田愚鮮一得雖四境尙未周知而乃附名修序之列欲博考載籍能哉邑侯嚴公謂旋邑人也誼不可辭諄委之補缺正訛惟謹或輯訂或校錄或採訪同人敬其事歷五月如一日志成六卷以請鑒定視舊志卷帙從簡博採約收義固各有在也閉戶卒業舉以壽梓敝邑士民慶洽曷極抑愚竊念志固紀事之書而亦即所以勸善也天地休徵古今瑞應非善之降祥乎名宦以顯忠人物以旌淑選舉以薦賢學校田畝之教養非欲爲善者之食報於無窮乎文章政事非嘉言善行之表著乎積善餘慶揆諸天道人事理固信而可徵也夫善莫大於忠孝節義讀是志者敦善行而不怠俗尙忠厚人法善良士習端焉民風淳焉有以仰報聖天子勸誠獎勵之至意則萬年之久咸頌治化之翔洽

於無窮志之爲功大矣豈可第以志爲足益聞見備紀載而已哉
雍正八年歲次庚戌夏六月中憲大夫原任兵部武選清吏司員
外郎加四級邑人李其旋謹跋

舊序

蓋聞修廢舉墜有司責也况大典章乎古者采風貢俗十五國奢
儉貞淫具登歌謠春秋繼作凡征伐會盟列國之事褒貶寓焉秦
并天下而郡縣之漢興司馬氏纂紀傳後世因之以記政治得失
盛衰始末之故其散見於一郡一邑者曰志志者志幅員廣狹流
峙變易象緯徵應人物鍾毓與夫牧化土尚千百年如列眉睫備
掌故資輜軒志可忽乎哉高陽古項帝墟歷代沿革或創關路或
建郡邑燕南趙北之區偉人輩出忠義節孝文廉武俠薪火相承
由來遠矣自少師孫公博綜古今手編成書探蹟括隱類分例析
有倫有脊炳炳珠玉之璀璨然可不謂大典章乎余視邑篆愛而
讀焉字多舛訛卷半缺落起嘆全豹之莫窺也嗟乎修廢舉墜非
有司今日責耶余雖不敏詎弗勉諸會篤臣韓君紫淵孫君雅有

同心謀今宮保李公欣從余請爰搜舊本付剞劂如式補刊增續
簡策咸歸鴻裁士大夫捐橐襄工頓還巨觀風可采而俗可貢也
端在茲乎端在茲乎若近微邇懿需久論定者則猶未遑以俟後
之君子云

峕

康熙己酉仲春穀旦知高陽縣事今陞禮部儀制司主事文江廖
玉謹跋

舊序

定一代之事者存乎識成一代之書者存乎學識非學弗充學非識弗斷然能入而成一代之書必其能出而定一代之事者也拘儒老守章句無論矣已間有英異者流生平藻思泉湧徒爲風雲月露之詞詢及土宜民俗若墜重霧後來事業亦殆可知一邑者天下之積天下者一邑之推則能入而成一邑之書者又必能出而定天下之事高陽縣舊志修於前少師孫凱陽先生先生於勝國之時備位且爽不難以所見所聞輯成大觀是有爲之先弗慮有美不彰第多歷年所而斷編殘簡拱璧弗完不幾莫爲之後雖盛不傳乎進士篤臣韓君憂之遂偕孫文學紫淵以重梓爲己任搜其散軼增以近事因得請於今宮保李公總裁而鑒定之是又前少師與今宮保既各出而定一代之事復入而合成一邑之書

篤臣韓君入而成一邑之書方出而定天下之事者也周鼎承乏
茲土值工已竣其間備益求備信以存信不傳訛於魯魚不任減
於亥豕俾覽者知夫流峙變遷風俗奢儉與人物政治盛衰得失
之故瞭然指掌其有功於桑梓何如也間嘗攷鏡源流否泰循環
固知有數補抹之勞不惜以身任之然學誦識踈有愧諸先生長
者多矣是爲跋

皆

康熙歲在上章闡茂春王元夕原任浙江台州府推官今補授知
高陽縣事三山後學翁周鼎撰

序

本邑新志爲李前縣長培元督修於二十年七月脫稿距今已三週年矣迄未付刊成書余自下車伊始即慮保存不慎編帙散失因極力籌款早付剞劂惟值此刀兵水火之餘民力未舒不願再事誅求增其擔負本年秋藉開縣行政會議之機將此案提出討論經與會周君蔭祺報告在昔縣參議會時代有安新楊欣甫先生曾倡言捐資續修縣志今雖時過境遷料此志或仍未渝云既有此線索當由余委託與會紳耆向楊君徵求意見幸楊君熱心公益慷慨爲懷立捐千五百元作爲刊志之需余既嘉楊君仗義疏財之行闡揚文化之切且從此高陽縣志能竟全功得廣流傳余與有榮焉茲值付刊畧紀經過以弁編首

民國二十二年十二月既望署高陽縣縣長楊大實序

重修高陽縣志序

余髫齡就學受四子書以次及於六經長而讀史旁及應試帖括之文問所謂縣志者未之聞也迨入學校肆力於新學科目入而學者是出而教者亦是數十年從事於斯問所謂縣志者未之見也然嘗聞達人先生之言矣吾縣縣志創於明季續於清初迄今二百餘年缺而未補舊志所存殆已寥若晨星搢紳之家城居者或偶藏一帙村鄉僻壤則百不得一焉吾安得而見之哉夫志乘關係重要人所共知吾邑當燕趙之交號人才淵藪竟任其中斷二百餘年豈真無修志之人哉蓋歷代掇巍科登高位者皆馳騫於遠大而不暇爲陋巷窮儒學不見稱於當時名不見重於鄉里而不敢爲其結果均等於不爲故近數十年來雖議修者屢而卒未果識者不歎吾縣之無人而歎吾人之無縣也民國二十年春

省令徵集志料以修省志功令所關勢不得不爲舉凡採訪編輯爲省志所必須者皆可爲縣志之資料焉縣長李公培元爰召集行政會議擬一舉兩得藉以重修縣志而責余爲之嗚乎余固未嘗一見縣志者也閉戶造車尙望其出而合轍耶然余索居閒處固非不暇爲者復不揣不自居於不敢爲之列而冒焉應之同事諸君且殫精竭思不顧利鈍相與爲之以底於成知我罪我其在斯乎余請諸君各爲一序而余亦綴數語以塞責焉至於體例之變更編輯之繁複各序言之綦詳茲不贅民國二十年七月邑人李曉冷序

序

此次修志一月爲期而舊志中斷者自清雍正迄今二百餘年時代已變遷事實亦繁蹟兼之省頒修志門類與舊不同身其事者頗難之幸李君曉洽任總纂愚與王君兆臨王君璞眞韓君念眞分門纂輯皆以事關桑梓宜存恭敬之心是以考古證今闡幽揚善一有疑義必先公同議定然後下筆總期多而不濫簡而不漏淺而易明實而有據焉至於字句之俗雅在所不計今月甫週而藁已脫矣雖云急就之篇並無敷衍之意用弁數言以告來者

民國二十年七月翊東蘇震序

序

本邑舊志成於雍正初年距今將二百年從未續修近數十年來受西方物質功利學說之震蕩使教育政治風尚禮俗等均發生最激烈之變化而過去變化之跡且將日就湮沒若不及時續修深恐年遠事繁老成凋謝將更不易從事幸今歲省府有徵求縣志材料之舉本邑以事關功令遂開局修纂依照省頒目錄先將舊志依其性質入於新門類中復將調查所得續之於後第舊志有事屬渺茫或涉及迷信者時代攸關自宜刪削其仍可保存而未便入新門類者另附單行本以容納之藉留先賢手澤蓋今日視爲重要者乃實業政治風土禮教等事不但可表現民生狀況且可爲施政者之資借焉自開局至今調查者一月編纂者一月時期迫促編輯繁難幸當事諸人同心合力揮汗執筆以底於成

高陽縣志 卷一
惟倉卒成書難期完善達者諒之

民國二十年七月韓念真序

高陽縣志目錄

卷一

疆域

沿革 位置 區域 面積

地理

山脈 河流 交通 關隘

名勝 古蹟

卷二

氣候

人口

物產

實業

行政

組織 財政 治安 自治

教育

金融

風土

宗教 民生 禮俗 歌謠 方言

卷三

人物

職官

循良 廉能 忠武 仕蹟 幹略

鄉賢

名賢 廉介 忠烈

卷四

鄉賢

業宦

卷五

鄉賢

孝友
儒林

義行
材武

文苑
隱逸

卷六

鄉賢

方外
選舉

封爵

卷七

鄉賢

選舉
列女

藝術

卷八

著述

金石

故事

史事
軼聞

外僑

卷九

舊志摘存

集文

卷十

集文

疆域

沿革

本縣以高河之陽受名五帝時屬涿唐冀州虞幽州夏商冀州周并州屬晉戰國屬燕趙秦爲縣屬上谷漢高帝十二年幽州隸涿郡文帝元年改屬河間國王莽曰亭高東漢明帝太和元年爲河間國桓帝建和初仍以縣屬河間三國魏以高陽郡隸幽州晉仍郡亦曰國屬冀州部後魏仍郡縣改瀛州部北齊東北道後周幽州部燕郡隋初廢郡置瀛州煬帝復廢州爲河間郡置滿州尋罷唐武德河北道河間郡仍滿州貞觀初縣屬瀛州開元改屬范陽後唐莊宗同光元年陞爲郡石普仍郡周世宗置瀛州高陽關宋太宗太平興國四年河北東路以縣屬河間府七年因故唐興縣置唐興寨熙寧中省爲鎮尋復爲縣屬瀛州淳化中建順安軍至

道三年以瀛州高陽縣來隸順安軍屬河北路慶歷八年始置高陽關路安撫使統瀛鄭等一十洲又屬定州路遼大都路順安金以縣屬鄭後改屬安州隸中都大興路元至元中軍關俱廢隸保定路安州明洪武初屬北平布政司二年改隸保定府安州八年併入蠡縣十二年仍置高陽縣屬安州清雍正二年改屬保定民國三年設道隸保定道尋廢道直隸省十七年改省名河北仍隸省舊縣治在城東二十里之舊城村今縣治昔名豐家口於明洪武三年因水患遷於此地

位置

居本省北部之南東界任邱縣距城六十里南界河間肅寧二縣距河間九十里距肅寧六十里西北界清苑縣距城八十里西南界蠡縣距城六十里正北界安新縣距城四十里

區域

本縣劃爲五自治區編鄉一百四十六

第一區轄鄉二十六

東街鄉 南街鄉 西街鄉 北街鄉 東關鄉 南關鄉

西關鄉 北關鄉 南圈頭鄉 北圈頭鄉 駱家屯鄉 岳

家左鄉 楊家屯鄉 趙通鄉 南蔡口鄉 北蔡口鄉 西

莊鄉 東王草莊鄉 西王草莊鄉 野王鄉 北沙窩鄉

南沙窩鄉 東田果莊鄉 西田果莊鄉 延福屯鄉 戴家

莊鄉

第二區轄鄉三十二

婁堤鄉 龐口鄉 田村鄉 汜水鄉 王果莊鄉 南馬鄉

北馬鄉 邊關鄉 百尺鄉 白洋鄉 惠伯口鄉 張家

原书缺页

佐鄉 任家左鄉 辛馮莊鄉 邱家左鄉 劉家莊鄉

第四區轄鄉二十三

六合莊鄉 北晉莊鄉 楊家左鄉 左家莊鄉 六合屯鄉

史家左鄉 堤口鄉 葦園屯鄉 三岔口鄉 北路台鄉

宋家橋鄉 辛留左鄉 趙官左鄉 邢家南鄉 路台營

鄉 留祥左鄉 張卜士莊鄉 于留左鄉 何家莊鄉 南

晉莊鄉 季朗鄉 延福鄉 南路台鄉

第五區轄鄉三十一

崔家莊鄉 南布里鄉 李果莊鄉 梅果莊鄉 良村鄉

石氏鄉 西教台鄉 南佛堂鄉 劉李莊鄉 南教台鄉

石家莊鄉 雍城鄉 王家坨鄉 傅家營鄉 博士莊鄉

東教台鄉 西龍化鄉 西留果莊鄉 北龍化鄉 舊城鄉

高陽縣志卷一
長果莊鄉 北佛堂鄉 小王果莊鄉 東留果莊鄉 魏
家莊鄉 南龍化鄉 梁家莊鄉 于堤鄉 新立莊鄉 出
岸鄉 王福鄉

本縣舊有城垣依然存在週約四里間有傾圮之處縣政府位於城之中央官產局建設局均在縣政府內保衛團第一區區公所則在縣政府後之義倉教育局財務局在城西北隅公安局在南街舊城隍廟內縣黨部兩級女子學校民衆教育館在東大街商會在南大街高級小學職業中學校均在南關外城廂商業繁盛店肆櫛比第務農之戶則寥寥無幾

面積

東西廣七十五里南北長六十五里面積共一千四百四十四方里

地理

山脈

縣內無山舊志載蒼山無影山等昔爲邱阜之類今已無存

入古蹟門

河流

潞龍河自縣屬團丁莊入境至劉李莊之西北入白洋淀經流崔家莊長果莊卜士莊石家莊北龍化佛堂教台段家房子等村在縣內蜿蜒四十餘里水流湍急攜帶泥沙往往暴漲至十餘尺清康熙以前修堤濬河之事舊志頗詳惟其修濬地點與今不同自康熙三十七年建設南北兩堤南堤自蠡縣緒口起至任邱縣界止計地六十二里北堤自布里橋（即今安瀾橋）路口起至安州馮村界止計地四十二里（見舊志）而河之形勢至今無大變遷惟時常決口本縣深受其害考其致害之原厥有三端（一）安瀾

橋以下堤套窄狹容水量小（二）河身年久不濬累次所淤之泥沙高於堤外平地五六尺甚有在一丈以外者（三）下口淤塞洩水太難且下口緊接白洋淀淀水逆流時苦南侵（見舊志）如此形狀當夏秋時間入境之水波濤滾滾奔騰直下水勢湍急而下口淤塞有如門檻難於宣洩更兼白洋逆流兩岸堤埝水滿必溢加以風雨激蕩欲其不潰焉有可能一經潰決勢如高屋建瓴一瀉千里南堤外六十餘村北堤外二十餘村禾稼盡行淹沒房屋亦被冲刷苦何勝言查南堤險處以蠡縣屬之駱駝灣龍母廟爲最北堤險處以蠡縣屬之小汪段南天門小龐果莊爲最自昔迄今決口多在此處是又河害中之要害也惟天津清苑琉璃河等處船隻往來於交通上少有益

馬家河起於縣屬趙官左村西南有水時經流趙官左東田果莊

北圈頭岳家左蔡家口等村北入白洋淀舊志載此河受濫漭沙三河之水遶高陽入白洋淀並載堤可三十里之遙有通濟橋夾岸現堤與橋俱在而水之來源斷絕春冬時間往往乾涸當夏秋之際受各村暴雨輸入則水深數尺若逢上游瀦龍河決口灌注其中則巨浪洪濤奔騰而下一夕可漲十餘尺偶爾潰決環城各村盡成澤國民國六年曾被決口之害自昔迄今無利之可述焉土尾河在縣之西陲南北直流入境地點在三河橋（地屬高清蠡三縣）經流堤口張卜土莊宋家橋葦元屯等村至三界牌（係高安清三縣界牌）出境約長十里舊志載河在邑西三十里與馬家河同出楊村河入邑之西南三岔口經宋家橋入安州界今查此河形勢尙無變遷而河身窄狹水流湍急往往暴漲六七尺不等夾岸有橋四座橋均矮小阻遏水流是以時有潰決之害而

無舟楫之利

白洋淀舊志云在邑東北與安州新安任邱共之四州邑之水平以爲藪而今淀已大半淤爲平地以致本邑各河下口不得暢洩淤河有三附述於左

(一) 在縣城之南自延福屯村西起至南圈頭村東北入馬家河俗名齊家河

(二) 在縣城東南自于堤村南起經李果莊至良村西止

(三) 在縣屬東南入境之初分爲二支西支由張家連城村起東支由劉家連城村起至河西村東北合而爲一經都曹口小馮村西王莊連莊龐口楊莊出岸東良淀小關樓堤等村入任邱界

舊志按三河之滙楊村者入邑之南而西北爲土尾河入邑之南而東北爲馬家河土尾河決則西北鄉沒馬家河東決則東南爲

壑而漸沒於北西有決則城以西爲壑城有竈畫矣且馬家河之東二十里瀦龍河在焉蓋四十里間三河流貫且土薄渠淺無歲無水其南則蠡吾決口既苦北下其北則白洋逆流時苦南侵彈丸之地幾何而河伯據其大半况上決於蠡則我不得堤防而下或梗於瀛濡則我又不得疏洩倘各急其急即痛癢不相關而我且爲上下之員官矣是在當事者家視一同而循行高下可塞塞之可濬濬之使地雖界分而情實脉貫小民或有瘳乎然非一郡邑責也

河渠攷

舊志

明初洪武三年高河決舊城東城陷上命遷今治豐家口而高河淤繇楊村入河間又十四年楊村河決而高陽三皇廟分司廨宇圯明年正月壬申北平按察司以請上曰災害之餘當問民疾苦

卹之不卹民而以廨宇祠廟爲先甚失序也其止之其後七十有餘年河凡二十餘決決輒壞民田廬令輒促人徒爲堤防之輒復壞嘉靖初河決於藺家口東北注高陽入濡渥十一年甲午巡撫都御史許宗魯疏言漕河沙河滋河以三派分流至保定三岔口併流爲一繇正定繞河間而安州新安任邱三州縣爲害尤甚有議開柳楊口者則任邱便新安不便有議開燒場口者則新安便任邱不便今議仍築藺家圈口開濬肅寧迤東舊河興功似易爲利可賴上從之是時水及於邑者殺三分之一然河間民卒阻之十二年復大雨水明年五月巡撫都御史周金言藺家口決塞之則東流暴漲而河間之民不堪不塞則東流漸淤而保定之患不息宜將決口仍舊存留量起鄰河夫役將新河濬闊使東北平流以免旁溢之患工部覆議從之而全水入高陽矣新河濬數年不

爲患而後漸淤後數數壞田廬三十二年癸丑王郎中世貞以慮
囚行部高陽城幾陷出私錢爲牲祀河伯迺奏記都御史吳公書
入後卒不見講求濬決明年又大水以至乙卯丙辰水連蕩民田
廬而隆慶中大水者三辛未馮郡倅惟敏奏記於臬司何公東序
上下卒以文應萬歷初河決於蠡之陳家臺北注高陽西偏通於
濡渥濡故我隸者濡守以河坊不守索邑曹椽扶之於是冒令守
愚憤而徧修舊坊樹萬柳時名曰萬柳金堤復奏記兩臺議於延
福西衡爲坊以護邑西偏且以護濡之南而蠡人不可郡丞倅而
上無不蒞其地相可否令因言南僅蠡二三村而斗窪又水所聚
也孰與北有高及濡渥三州邑爲重且蠡以淤宜麥而毀坊壑我
濡復責我以濡壑我是以爲坊備蠡之不防抑以坊濡若渥我有
坊則我與濡若渥無患而蠡人遂以嚴其防當亦無患是我一坊

而利四州邑也蠡不患無坊而患人坊哉郡守賈公仁元以爲然
領之時日方晡而令於即夜爲坊若山東西可七八里而蠡人相
視莫可誰何至癸未後蠡人倚楊公鎬視蠡猶有訟者卒不能奪
是時賈公及中丞宋公縵有疏河之請不報而先是郡人孫中丞
慎有東遊記欲上自保定下達天津併力合作一大濬之而新安
劉憲副允議更鑿鑿任邱田大司馬樂方爲御史亦有濬河疏後
上命行河使者徐公貞明察瀕河宜秔稻條塍溝而有司以河流
不常不宜蓄洩抵徇久之去舊南滹沱水溢通滋河故三河勢益
大方冒令築坊旣堅厚適天津徐憲副學古奉詔力濬自河間以
東分入沙河鹽河以殺水勢而高陽得無波及之兼以旱曠頻仍
故二十餘年無水患其後河益淤坊日圯不修而冒令所植萬柳
者日窮於灤河一決遂不支而決則困於河不決則困於堤歲留

一偏以予水迺得稍存其餘而小民相鄰自相倉襄即鄰州邑長吏無不起嫌怨相競大抵處上欲決處下欲塞訟獄繁興而以人害佐天菑矣戊申錢令春以濬河奏記不報乃續冒令橫堤而西三里餘其舊坊又徧築之三十九年橫堤圯大水薄城周令之藩以濬築二議聞之上官而劉叅知洪謨親蒞其地乃以周令之意奏記兩臺時御史湯公兆京云三輔并工誠爲遠慮已行天霸二道會議務急纓冠方免築舍而撫臺王公國云治水一事該道可謂苦心但三四處會議已自抵牾今欲合三輔全治於何處下手於何年底績動何項錢糧勢必擾動畿南勞民多事且謂公求名飾聽也事遂寢不治而叅知熱腸可掬後遂無復議濬河者矣天啓五年河決蓮子口由蠡之緒口澇布里于堤等村入大澇過梁村匯馬棚淀崇禎五年布里河決由王博士莊過爪溝梁村仍匯

馬棚淀清順治十年河決布里橋北二里許歸于堤故道康熙四
年布里橋南河決澇蘇家莊馬家莊等村五年春廖令玉奉上臺
檄鳩闔邑民力築塞夏水至復決遂東注舊城入豬龍河歸白洋
淀而于堤河堙澇淀淤爲高壤康熙三十七年布里河南北兩岸
建堤南堤自蠡縣緒口起至任邱縣界止計地六十二里北堤自
布里橋路口起至安州馮村界止計地四十二里南堤蘇果莊東
之北有閘口又北爲柴淀口瀦龍老河身爲唐沙滋三水之下流
堤岸雖廣浮沙易淤柴淀口河身淤淺雍正三年六月二十八日
柴淀口漫溢二十九日蠡螂口之南寇家墳堤口決漫開仍歸放
水口入淀時值陰雨連綿水深丈餘正河淤塞四十餘里決而東
冲潰古堤鄭州一帶盡被淹沒委効力官馮原等導淤塞決改奪
舊流四年委効力官劉紹周張明堂朱衣紫朱榴知縣事陳令克

駿河丞王維炳河間縣丞高耀元再加濬深使水之東趨者併力

北行螭螂口堅固堵塞古堤殘缺徧加修補使水不得浸及任邱

由放水口達車道口而歸淀五年顧令葵署河間府任邱縣袁令

圻永清縣丞劉啓接理柴淀工程六年修築放水口等處堤壩土

埝出岸村河堤自蜘蛛窩起至百尺村止一千三百四十五丈唐堤一段自

韓家壩起至任邱界止二千八百七十二丈北坎葦河堤一段自劉家溝口

起至放水口止九百二十一丈王博士莊在河北河堤二段自村東起至舊

城南止四十五丈六尺俱係險工顧令葵河丞李錦署縣事黃居敬蠡縣

喬令焯督工出岸村西往北舊河淤淺北至孟仲峯西北宋家灣

止原估十里一丈五尺今裁灣取直長九里一百三十一丈清河道王公紘清河同知楊公灝

嚴令洪同查明確估挑挖土方酌給民夫飯銀南河口老河淤塞

添加沙嘴二處南老河口之南東出支河口建攔河壩一道南北原估

長二十九丈又新添加長二十四丈底寬五丈頂寬二丈高七尺 月壩一道長三十丈南老河口正

流東出之口建壩一道長十二丈添加月壩二道北河口東漾之口添

加攔河土壩一道嚴令洪督修新安縣丞章延年安肅縣丞倪文

輝協辦唐沙滋三河之水匯蒲陰三分口初經蠡吾東入河間前

明正德十二年藺家口決遂由玉田緒口北入邑經延福瀦為淀

又北經圈頭有通橋濟後河之上流徙而東或經于堤村或經王

卜士莊漸徙而東村民屢被水患康熙三十七年總河王公新命

因村民具呈建堤以防河水漫溢題請立南北二堤但河之上流

遠承三水惟以白洋淀為滙澤蠡博間多決口由蠡而來東於布

里一河或溢或決則布里河兩堤之南北各村任邱安州俱被水

淹皆由下流淤塞水之蓄者艱於歸淀如放水口之設向議北水

大則攔當以防其南侵南水大則開放以使之北去今北水既大

地久淤塞北高南下自邊渡口而北數村之水或致聚而不散若於放水口之北濬深以使之歸淀則於南水放之說合現奉治河方畧法良意美萬世之利也

堤堰

馬家河堤

在城南延而北可三十里其岳家左之南北長十五里景泰六年魯令能築北至趙通村七里嘉靖二年王令

繼宗築雍城至安州之河口七里嘉靖十七年孫令繼先築合此三十里大築完厚夾河樹柳幾萬株則萬歷四年冒令守愚

也于時曰萬柳金堤云邑鄉貢韓澗有記

王荔有塞堤詩

春水已云落平田尚散流本無千里任聊為一鄉謀魚鯨能長食兼葭不是秋河間維故道誰解萬

憂民

于堤

在城東南延袤二十里舊築以西防高河豬龍河馬家河清康熙元年防東水發帑金築潰堤十餘處若墩墩然張令志

禧督築四年發帑金由于堤村中南接蠡界北續舊堤延袤六七里廖令玉督築

龍河堤

在舊城東南延而北可二十二里起窩頭至伍家村十四里景泰六年魯令能築其北至教臺七里嘉靖七年种令

雲龍築萬曆中
冒令守愚重築

樓堤

在城東延袤五十里以防豬龍河

車道口堤

在豬龍河之水窮處以補唐堤之缺防白洋南從衆議曆初冒令議築以安州阻三十四年錢令春始從衆議

諭安父
老築之

三岔口堤

在城西南延袤一十五里以防西南尾河水泛溢

安陽亭堤

在邑之東北長十三里自趙通村北抵安州守寅同種令嘉靖十一年巡撫許公宗魯題請檄張州守寅同種令

雲龍創築萬曆初
冒令守愚重築

橫堤

在縣西南六里延福村以防馬家河之上流西決而北者萬曆四年冒令守愚申兩臺檄太府丞倅踏勘數四始議築東

而西可七里餘三十五年河復決錢令春率吏民增築頂闊五步而西接留祥左之南周令之藩重修天啟六年河遷久廢溝順治十年祁州五女堤潰水自蠡漫漶侵堤盜決朱家口水薄城十三年以後蠡之劉氏等村水每年泛溢輒侵堤故增高加厚

幾無
虛歲

白牛堤駱駝灣堤

俱在邑東南以防蠡水之溢齊口者蠡人防齊口頗急故邑於二堤得少緩

蓮子口堤

自為築之後蠡人之東蠡以防團丁淤宜麥不獨置堤皆蠡人

而我為築歸然更為盜決萬歷三十二年口亦决旋塞之四十五

六年遂成巨浸邑東南盡在水中央即邑人亦有利淤不願築

者夫水如豺虎然皆延之門庭為害斯大數年自墊溺彌望為墟忽

折而北則不順其於齊家莊為東北而適當其衝故數築數决

非盡盜也四十餘年杜令應芳自齊莊北修築而河稍復故道决

秋復决天啟元年春杜復發憤躬為督畚鍤却蓋烈日中與工

作同甘苦閱四旬工竣左直指光斗按屯高陽臨河獎異之杜

尋以遷秩再行是年秋復决郭守武之禎兼邑事武於决口築重

堤為護事未竣而潘令曾紘任與蠡縣令張其者役可蠡人劉四

地取其土培新堤唐郡守煥臨堤驗蠡之患水者舊河紹堯抵任相

刻日報竣而秋復决會潘堤又因擢天啟四年唐令紹堯而難任相

其原隰曲折迺奏記略謂堤之旋築决者由舊河淤而難入

新口庫而易趨口返故道其北則濬其維如溝使自為順流白

既引水以脫新口使既殺之怒低回於無所就之防一如大河

洋而後堅築堤口使既殺之怒低回於無所就之防一如大河

時屯直指張公汝懋委同知張蒙正勤其事張中丞鳳翔彭直

指鯤化檄易州道酌議俱報可唐乃率典史王治躬土督其地以

善土易沙而韓令光先亦復督飭蠡人為助於是築土櫃於內

以當其衝而大堤益肥且堅而數十年之患息旋淤

遂由故道行大堤益肥且堅而數十年之患息旋淤

布
里
河
堤
清康熙三十七年
止計地六十二里
北堤自布
里橋路口起
至任邱縣界

界止計地
四十二里

交通

道路

大道
一由清苑經本縣達河間
一由清苑經本縣達任邱

汽車路
由清苑經本縣達天津
名曰津保汽車路

橋梁

洪濟橋
在城南三里許
令能建正德中劉令振移建於舊橋西一里許更名通濟

嘉靖七年張令經綸重修
名萬曆戊寅冒令守愚重修
歲久盡圯三十三年錢令春仍其

地創修清康熙六年邑
人知府齊洪勳重修

安瀾橋
舊志名東渡在布
順治九年重建康熙元
年更修有張令志禧
記後重修三

次雍正三年橋圯至雍正九年邑令嚴公宗嘉重二修更名安瀾
此後二百餘年雖迭經修築迄今又將傾圮民國二十年春縣

長李公大本復籌
集鉅款澈底重修

共濟橋

即劉家溝渡口民國九年
建津保汽車路由此經過

宋家橋

在城西二十
里通清苑縣

渡口

團丁莊渡

東通楊家塢西演等村
西通莘橋鎮

博士莊渡

東南通高家莊殷家莊等村
西北通傅家營東留果莊等村

新立莊渡

南通皇親莊等村
北通西留果莊等村

西良淀渡

東通龍化等村
西通龍化等村

孟仲峯渡

東通任邱等村
西通教台等村

劉李莊渡

東通任邱
西通安新

電報電話

電報

局設縣城內北街可通
全國并附設長途電話

電話 城一省設長途電話局設縣城內西街近通城內外各局所各學

校各商號遠通第一
二三四五各區公所

關隘

縣屬無關隘

五代周時有草橋關在邑西二十里三岔口一帶南
宋時有高陽關地趾不詳約在舊城附近惟今已湮

沒無
存

名勝

白洋淀為古來名勝之區在邑東北即古九十九淀之一也有本

縣孫李二公題詠附錄於左

明孫敬宗白洋大湖歌

君不見白洋大湖浪拍天蒼茫萬頃無高田
龍鼉隱見蛟龍走菡
萏參差菱荇連又不見青雀舫頭風色惡
檝郎夜半不停泊起來
四顧水漫漫疑泛靈槎度
廖廓我故高陽池上客
平生眼見纔數

尺洪濤倏忽驚心神銀漢懸流坤軸折適去適來一葦間四時風浪舒心顏須知人世無多事撐得虛舟心自閒

明李國楫遊白洋詩

秋氣薄蘅皋招延興最豪長空涵皎鏡遠水渡輕舸荷芰香能入笙歌調轉高晚來明月好那忍負醇醪

古蹟

舊高陽城

在邑東二十五里龍化鄉週九里晉地理志曰縣有高陽城歷代沿為縣治洪武初以水徙今治城遂廢土花

石泐不堪攬結而東佩龍河西有嶺馬水郊原曠莽氣勢蒼茫尚於凋弊思帝鄉焉攬轡巡行每有懷詠不獨居人歎凌淵也

吳中詩

畿甸巡行攬轡忙偶逢聖朝原設郡民居顯頊舊封疆西映青嵐近太行邑屬高陽東來紫顛頊通瀛海

乘高北向平原望韓日詩荒城高下斷秋蓬王氣銷沈帝業空錦繡相連是帝鄉敗壁烏棲苔蘇碧重圍狐窟土花紅

樵蘇遠近斜陽外村塢荒涼野草中王荔詩樓臺蹤跡想重門自上崇崗遙縱目雲山烟柳鎖空濛

上世荒城餘粉堞寒鴉無木落黃昏野煙秋草半乾坤又和陳景物淒涼欲斷魂千古興亡多感慨野煙秋草半乾坤

小崖過舊高陽城有感詩類垣曲曲古河濱王氣蕭條感慨春

荒村民在詢遺俗才子名傳愧古人
總為淳風不可復煙山雲樹幾傷神

葛鄉城戰國時城名屬燕後屬趙史記趙世家趙與燕易地趙以龍兌汾門與燕燕以葛城武陽與趙郡國志曰高陽有葛

城漢高陽地後為依政縣一曰依城縣元為安州附郭今省 劉

因詩我行常山尾高城下吾前按轡覽形勢依見金燕易水開前襟飛狐連右肩遙想豪傑場撫已增慨然薪人過我

旁一笑如相憐指城前問余考古
今幾年沈思未及答行歌入蒼煙

草橋關在邑西二十里三岔口社周世宗顯德六年復三關以控燕薊雄曰瓦關霸曰益津高陽曰草橋俱置重地勢相依

倚一處有警三關策
應故契丹不敢侵犯

高陽關在舊治五代曰關南宋太平興國元年改名高陽關慶歷八年置高陽關路安撫使統瀛鄭雄貝冀滄永靜保定乾

寧信安十一州軍賈昌朝奏保州緣邊巡檢并雄州滄州河

隸高陽劉同詩輿地星分箕尾間轉移興廢幾循環秦并荒城趙苔

蘇雨斑斑行人莫問當 劉勃詩高陽西去接常山曾是前朝虎

牧草
斑斑

唐興寨

宋太平興國七年因故唐興縣置唐興寨唐置縣亦曰高

蘇軾詩

今廢蘇軾詩使與君談笑用蒲鞭臥松荒三徑思元亮草合平池憶

惠連白髮歸心憑說與古來誰似兩疏賢

順安軍

即唐興寨淳化中陞為軍通志云唐陽實諦寺詔碑在順

靈芝碑而此寺此碑遂不可攷通志許欽寂有普濟寺碑而許使君廟記則趙晏書俱不可攷

四古屯

宋咸平五年以殿直屯田九方順安軍營田務為屯田

務置吏屬召役兵今里中尙有以屯務名者屯曰敦信重慶雅

盛葦園俱名屯其曰某家務固吏屬所分轄地也務之名頗雅

者紀

古務二

宋熙寧以前天下諸州商稅歲額四十萬貫以上至五千

等在三萬貫以下八等順安軍屬五千貫以下有二務其權酷則

古塞口

以道所必經若員官然曰口邑以口名者九其曰渡曰漕

高陽關射亭

在高陽關舊

梅堯臣詩

星狐射狼夜屯師古關下備寇

尚射力何由強日與官兵來會此弓須射勁

古阜二

俱在舊城北一里許一曰虛糧塚一曰脫鞋塚一在城南

土不足

陳璉詩

將軍遺跡帝城闌今古何人踵後塵

王荔詩

出塞擁雕戈千里提兵此地過多又詩寒花露散飛黃蝶

詩

舊城北望草萎萎將塚平沙伏遠堤又詩平林漠漠雲橫塞

韓日詩

千古相傳土一邱將軍遺跡此中流幾年開闢平沙磧

英魂浩渺知何在浪說平生萬戶侯

古池二

一在舊城西五里相傳帝浴天馬下鳳凰池李儼詩源派分

此浴天驥氣射房垣枯形蘸清波裏自從逢韓日詩帝城蕪沒

下寒塘碧不流洗馬名懸雲錦散惟餘明月照芳洲

龍潭二一在城東南四十里都漕或曰沙窩潭白日雷雨見赤龍

上婉也而劉夢吉龍潭詩盤晚交音窮源豈不得爽氣來

有乾靈潤發山骨沮洳下崖陰為問石上苔妙理誰曾尋乾呼

龍動雲林顧此百丈潭豈無三日霖為霖此

高陽郡隆聖道場碑隋秘書郎虞世南撰次書石唐世南以此碑最顯

世競以摹本傳今其碑在定州龍興寺或疑為摹本以高陽之

皇歷世所基遂改為高陽今世南謂大業龍集癸酉有詔改郡

隋謂道場必矣唐志言定州博陵本高陽郡義寧元年析高陽瀛

州天寶元年復以博陵郡為定州後以瀛州

高陽臺在舊城衆樂園成被命與金陵易地兄弟侍從對更方實

為私門之慶走筆寄子開弟詩子開守金陵兩易將吏交迎送於

途誠盛布詩樓臺丹碧照天涯塞北江南未足誇千里煙霞高

留戀上將牙回首林塘莫肇詩誇水南河間倩可嘉風流江左前二

迎風流還屬阿連家
月花久愧迂儒懷郡絃聊須雋老駐軍

蒼山 舊志云一名雙石峰濡志也 **劉因詩** 人幾往來想得當年全盛

日好山橫
處盡樓臺

無影山 在舊城西北一里許舊志云 **劉璽詩** 勢徘徊幾度入望寬天上

有光臨勝境日中無影落瑤壇石田沃壤盈金玉芝 **王荔詩** 城

草芳映點點斑聞說當年學仙者曾從此處煉金丹 **王荔詩** 城

仙風煙殘舊國憑青嶂雲起隆岡遠故宮最是繁華俱泯滅名

園歌酒 **韓日詩** 那有迹月明圓嶠迴無陰山翁自古占藤蘿嶼樵

自從容 **韓日詩** 那有迹月明圓嶠迴無陰山翁自古占藤蘿嶼樵

金沙嶺 在邑東二十五里自汜頭村跨舊城歷細沙堤諸村以入

顓頊廟 在國初農會設於廟內今為高級小學教室

文廟

崇祀孔子以四配十哲配享以七十二賢及左邱明等三十人從祀現廟內有遼陽柏數株古老蒼翠耐人玩賞現東

西廡改為民衆教育館

關帝廟

在縣城南街現商會在焉

功德祠

在露化關東祀谷令中虛冒令守愚錢令春

許睢陽祠

祀唐忠臣遠在塔兒頭村西今圯

齊忠男祠

祀唐相映在北郭孔道之北

孫文正公祠

祀明少傅大學士承宗在南郭孔道之北公男中書

之沆庠生之滂尚寶之浩從祀定興范士楫有記

李文敏公祠

祀明太保大學士國樞在文正孫公祠之東太傅文通金公有記

楞嚴塔

在趙通村楞嚴寺邑東北三里後魏建無記或意地為宋邊當契丹通好罷望槽而移浮圖北原高共七級現

上級有破裂之處下級有一隅**李儼詩**霄漢倚雲霞光連象亭亭殘缺形勢倚使人望而生畏

迷三界影帶斜陽巨萬家欲出支撐窺碧落仰穿**王荔詩**竹院過盤曲倒烏紗嘯凝直至黃昏後彷彿猶疑是月華

上浮圖獨立中天恣嘯呼燕趙山河雲物迴隋唐官殿半空清
高風金氣還濃淡斜日珠光乍有無時事傷心轉蕭瑟半空清

平蕪灑韓日詩浮圖雄鎮雨花臺乘暇登臨亦快哉易水縈紆干
派合燕山蒼翠萬峯來風吹落木飄黃葉鳥下紆平

原沒綠苔絕頂躋攀堪鄧鄒詩曲徑穿雲倚太空幾回登眺興
坐嘯百年懷抱一時開紫塞東來易水際

湖萬象雄西望燕山連紫塞東來易水際
蒼穹車書一統歸寰宇極目天涯指顧中

河橋亭在馬家河通濟王荔詩南郭橋成景物輝野亭臨水更霏
橋北馬令崙建微烟波落日驚龍臥雲樹遙天見

鳥飛兩岸沙平閑渡舸入窗風冷怯春
衣憑欄薄暮登臨地笑種甘棠倚釣磯

東園在東屏荔作關外王雨後小飲詩天外青山雨引霽初夕
青屏荔作關外王雨後小飲詩天外青山雨引霽初夕

來四壁虛銀葛藉莎依野樹玉壺沉井摘
園蔬年豐願得烽烟息林壑漁樵樂有餘

萬木亭在迎恩關外官道左王荔小集亭子詩野亭深樹鎖烟霞
前膝令王揚建也左王荔小集亭子詩野亭深樹鎖烟霞

綠酒碧筒清徹骨茜裙輕雪細籠紗塵蹤覺去俱成夢
蓬鸞年來半已華試向梁園問遺跡當時歌舞不聞譁

戚里坊在縣城內東街明駙馬都尉王昺立坊係石質雕刻玲瓏
人物生動而且工程浩大都尉王昺立坊係石質雕刻玲瓏

但尙無
關大體

榜眼坊

在縣城內十字街明孫承宗立坊係木製上刻榜眼二字

一畝槐

在縣城內南街第二初級小學校內因槐蔭有一畝之久

該校大門藉為映壁焉

高陽縣志

卷一

七